

Полный сборник канонов и молитв святителю Николаю,
архиепископу Мирликийскому

Каноны Октоиха, восьми гласов

Г л а с 7

Начало канона см. 01 - Начало канонов.doc

Песнь 1

Ирмос: Поспешествовавшему Богу во Египте Моисеови, извести Израиля, Тому единому поим, яко прославися.

Припев: Святителю отче Николае, моли Бога о нас¹.

Прославлено на земли прешед житие, тебе славящия, Николае, причастники тамо сущия славы сотвори.

В пучине лютых плавающей, житейских искушений волнами, всеблаженне, окружаеми есмы, от нихже нас спаси.

Слава: Руку ми ныне подательную помощи подаждь, отче Николае, от враг видимых и невидимых избави мя.

И ныне, *Богородичен:* Иже невестественныя слуги сотворив, из Тебе, Богородице, родися за милость неизреченную, человеки видим бысть.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 3

Ирмос: Небеса утвердивый словом и земное основание укрепивый на водах многих, утверди мой ум в волю Твою, Человеколюбче.

О вселенней принося моления, от всякия нужды и скорбей безчисленных спаси нас, святе Николае.

Связанных неизбежно из темницы якоже избавил еси, соузы растерзав зол моих, молитвами твоими примири Богу, святе Николае.

Слава: В ночи и во дни заступника ты нарицаем, наша молитвы принеси Господеву, сохраняя нас присно, святе Николае.

И ныне, *Богородичен:* Клеще Божественный уголь приемши в Божественней утробе Твоей, никакоже опалившись, попали, Пречистая, наша прегрешения.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

¹ Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

Господи, помилуй. (Трижды.)

(Если по 6-й песни читается акафист, то перед седальными читаем кондак и икос.)

Седален, глас 1

Облиставяеши на земли чудес лучами, Николае мудре, и движеша всяк язык на славу же и хвалу на земли Тя Прославльшаго, Егже моли всякия нужды избавится память твою верою и любовию почитающим, отцем избрание.

Слава, и ныне, Богородичен

Всех Творца, Бога же и Содетеля, Всенепорочная Чистая, Духом Божественным в ложах зачала еси и тления кроме родила еси, Егже славяще, Тя воспеваем, Дево, яко палату Всецаря и мира защищение.

Песнь 4

Ирмос: Покрывает небеса, Христэ Бже, смирением Твоим, добродетель неизреченны мудрости Твоея, Человеколюбче.

Премудростию твоею очернив Ариев ум, ересь помраченный, и от того прельщаемы, Николае, просветил еси.

Уврачуи моя многия струпы богоприятными твоими молитвами, богоблаженне отче Николае, и сердце мое просвети.

Слава: Умертвив страстные вышания, от нихже мя умерщвленного молитвами твоими, всеблаженне, оживив, нова сотвори.

И ныне, *Богородичен:* Родила еси плотию Безлетнаго, Егже моли многолетних зол нас избавити, поющих Тя, Всенепорочная.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 5

Ирмос: Утренует дух мой к Тебе, Бже, зане свет еси, и Твоя повеления быша исцеления рабам Твоим, Человеколюбче.

Советы, отче, подвижяемы присто на ны ненаказанных человек, твоими молитвами, Николае, бездельны сотвори.

Союзы зол наших расторгни твоими молитвами, связавый злобу душевного змия, всесвятый Николае.

Слава: Разумом присто согрешающе, и множеством лютых содержими, отче, предстателя тя, Николае, тепла призываем.

И ныне, *Богородичен:* Марие, Госпоже всея твари, от врага, безстыдно обладати ищуща, смиренное сердце мое, Богородительнице, до конца свободи.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 6

Ирмос: Иона из чрева адова вопиаше: возведи от тли живот мой. Мы же Тебе

вопиём: всесильне Спасе, помилуй нас.

Разорил еси смерти неправедный суд и спасл еси милостию твоёю, отче Николае, хотящия умерети, яко тёплый помощник призывающим тя.

Недуги душ наших утиши и уста отверзающаяся всеу на любящих тя, священнейший пастырю, загради.

Слава: Пажить горькую злочестия Ариева потребил еси, Николае, растворением словес твоих, священнотайниче, православным утверждение ты был еси.

И ныне, *Богородичен*: Уврачуи, Всенепорочная, неисцельно болящую, окаянную душу мою житейскими прелестями и многих грехов обстоянии.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Господи, помилуй. (*Трижды.*) Слава, и ныне.

Кондак, глас 3

В Мирех, святе, священнодействие показался еси, Христово бо, преподобне, Евангелие исполнив, положил еси душу твою о людех твоих и спасл еси неповинныя от смерти. Сего ради освятился еси, яко великий тайник Божия благодати.

Икос

Воспойм ныне святителя песньми, мирским людем пастыря и учителя, да молитвами его просветимся: се бо явися чист весь, нетленен духом, Христу принося жертву непорочну, чисту, Богу благоприятну, яко святитель, очищен и душею и телом, темже сый истинно Церкви предстатель и поборник сея, яко великий тайник Божия благодати.

(Если читается акафист, то кондак и икос читаются по 3-й песни, перед седальнами.)

Песнь 7

Ирмос: Пещь горящую оросил еси, Спасе, отроки спасл еси, поющия и глаголющия: благословен еси во веки, Господи, Боже отец наших.

Красота церковная быв, мудре Николае, всякия мя некрасоты страстей безчестных избави, Благодателя всего мира моля, святителю, присно.

Тучами молитв твоих, Николае мудре, всех нас напои сердца, яко да принесем плоды достойны покаяния, святителю Николае.

Слава: Просвети твоими молитвами наша помышления, верою утренующих и Бога славящих, разоривый мольбами твоими Артемиды капища.

И ныне, *Богородичен*: Всяк язык верою славит Тя, Чистая, славу сущую и похвалу рода нашего, и наставницу заблуждших, Богородице преблаженная.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 8

Ирмос: В пещи отроки подражающе, духовную росу приемши: верою зовем:

благословите, дела Господня, Господа.

В Мíрех мироухáнное тéло твоé, всесвяте Никóлае, лежáщее, мíро притекáющим источáет и уставлáет недúти челоуэком.

Мíру ты заступника показá мира Творéц и Господь, тэмже призывáющим ты в нúждах ныне, Никóлае, обретаéшися избáвитель готóвейший.

Слава: Нéсть, íже призывáый ты в скóрбех, и скóро не обрýщет утешéния. Тэмже тебе мóлимся: вся болéзни нáша, Никóлае, облегчí.

И ныне, *Богородичен*: Поёт всяк язык и слáвит Тя, Дéво Богоневéсто, Бóга бо препéтаго родилá есí, Егóже моли непрестáнно спастíся душáм нáшим.

Моли́ Бóга о нас, святителю óтче Никóлае, я́ко мы усéрдно к тебе прибега́ем, скóрому помóщнику и моли́твеннику о душáх нáших.

Песнь 9

Ирмос: Пáче естества́ Мáтерь и по естеству́ Дéву, едíну в женах благословéнную, пéснями, вёрнии, Богородицу велича́ем.

Послéдовав нра́вом свящённых апóстол и седа́лица тех наслéдовал есí, я́ко святитель чéстен, достослáвный Никóлае.

Я́ко ревнителя́ ты Божéственного и помóщника по всему́ тебе́ призывáющим тéпле во всем мíре, блажéнне, Творéц превели́ка показá.

Сокрушéнным сёрдцем вопи́ем ти, óтче: утешéние нам бúди в скóрбех, печáли разгоня́я всегда́ от душ нáших, Никóлае.

Слава: Смёртное посечéние, я́коже секи́ра дрéву предлежит ти, о душе́! Не лени́ся úбо, пока́ния плоды́ Бóгу показáти усéрдствуй.

И ныне, *Богородичен*: Но́сиши нося́щаго всяческая́ святы́ми Твои́ми рука́ми, Егóже моли́, Чíстая, от чужда́го злоде́йства невредным нам спастíся.

Моли́ Бóга о нас, святителю óтче Никóлае, я́ко мы усéрдно к тебе́ прибега́ем, скóрому помóщнику и моли́твеннику о душáх нáших.

Окончание канона см. 14 - Окончание канонов.doc